

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

A PAIN SINANCĚ BANA

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun camaxunbi 'unancĕ 'aish ca camabi uni, uni itsin racueocema 'janan cĕmei ami mananquĭn 'atimocĕna 'aish chŭamarua bucuti 'icĕn.

CAMAXUNBI CA 'UNANIA: Camabi uni ca bĕtsibĕ sĕnĕn 'icĕ quixun sinanti 'ainbi ca an usaquin sinancĕma unicaman an sinancĕx a meu 'icĕ uni 'aisamaira tĕmĕramianan paĕ tanmiquin 'atimoia, uni raĭri usoquin uni 'ati ca 'aisama 'icĕ quicĕbĕtanbi. Usaquin bĕtsi unĭ 'ati cuĕĕnima ca camabi uni ĕsai itĭ 'icĕn: aĥu ņu ņui cara banaia a cupĭ ubiocĕma itĭ, 'ianan aĥu ņu cara sinania a cupĭ ubiocĕma 'iti, 'ianan aĥu cara pisa tania pianan ain cuĕĕncĕ ņu bianan uinu cara 'isa tania anu 'iabi ca bĕtsi unĭ unin racuĕotima icĕn.

CAMAXUNBI CA 'UNANIA: Gobiernocaman uni upitax bucunun quixun bana mĕniocĕma 'ain tĕmĕraquin ca unicaman masá nuituquin ain 'apumibĭ nishi 'acananti sinanti 'icĕn.

CAMAXUNBI CA 'UNANIA: Camabi netenu 'icĕ unicama ubiocĕma 'aish chŭamarua 'inun ca camabi nĕtĕnu 'icĕ gobiernobĕ ain unicamaribi bĕtsi gobierno 'imainun ain unicamabĕ nishananima upĭ itĭ 'icĕn.

CAMAXUNBI CA 'UNANIA: Gobiernocaman xucĕx timĕcĕ unicaman ca upĭma ņu 'acĕma 'aish ca camabi uni bĕtsibĕ sĕnĕn 'aish ubionancĕma upiti itĭ icĕ quixun sinanquin camabi uni usai 'inun 'aquinŭ camaxbi 'iásamaira oi upiti bucunun.

CAMAXUNBI CA 'UNANIA: Gobiernocamanribi ca caxa, camabi 'apun anĕcĕ unicaman sinancĕsaribi oquin cananuna nunribi sinanin. Usaxun cananuna atubĕtan atŭn sinancĕsabi oi nun nĕtĕnu 'icĕ unicama 'atima ņu 'acĕma 'aish upiti bucunun 'aquinti 'ain.

CAMAXUNBI CA 'UNANIA: Camabi unicama ubiocĕma upiti bucunun ca camaxunbi pain ĕnĕ banacama unanquin sinanti 'icĕn.

Gobiernocaman xucĕx timĕcĕ unicaman ca ĕsaquin caxa:

A ÑUCAMA SINANXUN CA AXA ANU TIMĚCĚ UNICAMAN ĚSAQUIN CAXA:

Camabi nĕtĕnu 'icĕ unicaman: ĕsai 'iti 'aish ca camabi uni upiti bucutĭ ice quixun sinanquin ca ĕnĕ quiricanua ņuicĕ banacama manutimoquin sinánan an ĕnĕ bana 'unancĕma unicamanribi upĭ oquin 'unánun 'unanmitĭ 'icĕn. Camabi gobiernonĕn ca ain nĕtĕnu icĕ unicaman ĕnĕ banacama upĭ oquin 'unánun 'aquinti 'icĕn. Camabi nĕtĕnu 'icĕ unicaman ĕnĕ banacama upĭ oquin 'unánun ca gobiernocama bĕtsi gobiernobĕ 'aquiananti 'icĕn.

1.

Ui uni cara 'iti icĕ axbi ca bĕtsi unibĕ gobiernonĕn iscĕx sĕnĕn itĭ icĕn. Ui cara ain tita ain papa 'iaxa quixun sinanquinma ca gobiernonĕn sinancĕx ax bĕtsibĕ sĕnĕn 'icĕn. Camaxunbi ca sinanti 'unanin. Camaxunbi ca aĥu ņu ati cara asábi 'icĕn, aĥu ņu 'ati cara 'aisama 'icĕ quixun 'unanti 'icĕn. Usa 'ain ca camaxbi ain xucĕnbĕ 'icĕsaribiti nuiananti 'icĕn.

2.

Uinu 'icĕ ĕmanu 'icĕ uni cara ax 'icĕ, ui unin aintsi cara ax 'icĕ, ax cara xanu 'icĕ, ax cara nucĕ bĕnĕ 'icĕ, uisa banan cara banaia. Nucĕn Papa Diosmi cara sinania, ami sinanima aĥu ņubi rabi cara sinania, ui unicamax cara 'apu 'iti ice quixun sinania, aĥu ņu cara sinania, uisai cara ain papa ain tita 'ia, ņuņu cara ax 'icĕ, ņuņuma cara, usa ņucama sinanquinma ca gobiernonĕn camabi uni ņu 'atima 'acĕma 'aish ca bĕtsi unibĕ sĕnĕn icĕ quixun sinanti 'icĕn.

Uisa cara ain nete icĕ, a nĕtĕ cupĭ ca uni 'atimocĕ 'itima 'icĕn.

3.

Ui unibi ca bĕtsi unin bamamiti sinantima 'icĕn. Ca chiquítimoi sipuacĕ 'itima 'icĕn. Ca 'atimocĕ 'itima 'icĕn.

4.

Uinu 'icĕ unixbi ca chiquitimoquin marucĕ 'itima 'icĕn. Uni chiquitimoquin maruxun 'ibuati 'aĭma itĭ 'icĕn.

5.

Uinu ice unibi ca 'aisamaira oquin uni itsin paĕ tanmitima 'icĕn. Bĕtsi uni ami nishquin paĕ tanmiquin 'atimocĕ a ca 'itima 'icĕn. ņuina 'acĕsa oquin 'atimocĕ ca uni 'itima 'icĕn.

6.

Uinu 'icĕ uníxa uinu cara 'ia a ca anu 'icĕ gobiernonĕn uni itsi 'acĕsaribi oquin sinanti 'icĕn, ax bĕtsi unisaribi 'icĕ cupĭ.

7.

Uinu ice unibi, ami uni itsin upĭma sinanquin paránan 'atimonunma ca gobiernonĕn 'aquintĭ 'icĕn. ĕnĕ banacama sinanquinma ain cuĕĕncĕs a oquin unin unĭ itsi atimoi ami 'ĕsĕnanunma ca gobiernonĕn bĕrúati 'icĕn.

8.

Uni ņu 'atima 'acĕma 'icĕbi uni itsin 'atimocĕ 'ixun ca a unin an uni bana mĕniocĕ 'apu cati 'icĕn. Cacĕxun ca mĕniotĭ 'icĕn, gobiernonĕn cacĕsabi oquin.

9.

Uinu 'icĕ unixbi ca aĥubi 'uchacĕma 'icĕbi bĕtsi uni ain cuĕĕncĕsa oquin sipuacĕ 'itima 'icĕn. Sipunu 'icĕ ca anubi 'inun ĕntima 'icĕn. Ain menua ca bĕtsi menu cuantanun xutima 'icĕn.

10.

Unin uisa ņu 'acĕ 'icĕa bĕtsi uni a 'aisamonun quixun ami mananquin cacĕxun ca an bana mĕniocĕ 'apun bĕtsi uni manancĕ a unin banaribi asĕrabĭ cara usa 'icĕ quixun 'unantĭ 'icĕn, uni raĭrinĕnribi ismainun. Upĭ oquin istancĕxuinshi ca cati 'icĕn, uisa cara a unĭ otĭ ice quixun, gobiernonĕn ain quiricanu mĕnĭosabi oquin.

11.

Uinu 'icĕ uni cara uni itsin ami manania, a ca an bana mĕniocĕ 'apun pain upĭ oquin sinantĭ 'icĕn, sapi ca ņu 'atima 'acĕma 'icĕ quixun. Gobiernonĕn cacĕsabi oquin pain ca isti 'icĕn uisa ņucama cara 'axa quixun. Uni raĭrinĕn ismainun ca axa ami manancĕ unicaman bana cuanan amia manancancĕ a unin banaribi cuanan an a uni unancĕ unin banaribi cuatĭ 'icĕn. Cuaxuinshi ca asĕrabĭ uisa cara a uni 'iaxa quixun upĭ oquin 'unantĭ 'icĕn.

Uisai cara gobiernonĕn bana quia usoquinshi ca an bana menioce 'apun a 'uchacĕ uni asĕrabĭ ain ņu 'atima 'acĕ istancĕxun uisa cara otĭ ice usoquin 'atĭ 'icĕn. Anun a ņu 'aisama 'acĕ nĕtĕ ain fecha isquin ca an bana mĕniocĕ 'apun a fecha gobierno quicĕ bana bĕtisoima a bana quicĕsabi oquinshi axa 'uchacĕ unĭ atĭ icĕn.

12.

Uinu 'icĕ uninbi ca ain cuĕĕncĕsa oquinshi bĕtsi uni 'imainun ain xanu 'imainun ain bĕchicĕ ubiotima 'icĕn, ain xubunu ca atsintima 'icĕn, ain quirica bĕtsi unin bĕmicĕ 'imainun quirica an buanmicĕ ca raĭrinĕn bitima 'icĕn. Usa 'ain ca uinu ice unixbi, a unix ca 'aisama icĕ quixun unĭ raĭri sinanmi 'atimatĭ banatima 'icĕn. Usai banacĕbĕtanbi an bana menioceapun gobiernonĕn cacĕsabi oquin meniotĭ 'icĕn.

13.

Uinu cara uni cuainsa tania, anu ca cuanti 'icën; ain nētēnu 'aisch uinu cara tsotisa tania ca uni anu tsoti 'icën.

Ui unix cara ain nētēnuax nētē itsinu cuainsa tania ax ca cuanti 'icën. Amanu 'itancëx ain nētēnu utēcëinsa tani ca uti 'icën.

14.

Uix cara ain nētēnuxun bētsi bētsi ocē 'ia ax ca tēmēranuxma bētsi nētēnu cuainsa tani cuanti 'icën.

Ain ñu 'atima 'acē cupí gobiernonēn mēnioquin 'atimocē usa uni ca ain nētēnuax tēmērati rabanan bētsi nētēnu cuantima 'icën.

15.

Camabi uni ca ain netenu ití icën.

Enē nētē minan 'aishbi ca minanma 'iti 'icē quixun ca unin bētsi uni catima 'icën. Bētsi nētēnu 'isa tanquin ca unin usai 'inuxun gobiernobētan mēniotí 'icën.

16.

Bētsi bētsi unix ca quia: Uni canice ixunbi ca bētsi netenu icē xanu bitima 'icën, ca bētsi banan banacē xanu bitima 'icën, ca an rabicē dios rabicēma xanu bitima 'icën. Usa unix quicēsai ca 'itima 'icën. Unin usa xanu canicē 'icē bisa tanquin ca bití 'icën, a xanu cuēēncēbētan. Atux 'isa tani ca bēchicēñu 'ití 'icën. Gobiernonēn iscēx ca a uni ain xanubē sēñen 'icën, xēñibua 'ainbí.

Nucē bēñē cuēēnquinshi ca xanu biti 'icën, a anúribi cuēēñia ca bití 'icën.

Tuácama ain tita ain papabē 'aquiananti ca asábi 'icën. Usai upiti bucunun ca camabi unin sinantí 'icën. 'Apunribi ca usai 'inun sinanxunquin 'aquintí 'icën.

17.

Uni meñu 'isa tania ca uni itsin meñu 'inun ēñti 'icën. Xuburibi 'imainun añu ñuñu cara uni 'isa tania ca uni itsin a ñuñu 'inun ēñti 'icën. 'Aisa tanquin uni rairibētan mēñiotancex ca a ñu ainainshima, rairinanribi 'iti 'icën.

Unin ca ain cuēēncēsa oquinshi bētsi unin ñu bitima 'icën.

18.

Camabi unin ca ain cuēēncēsa oquin sinanti 'icën; uni rairinēn ubiócēma ca 'ití 'icën. Uisoquin cara ain dios rabbitisa tania usoquin ca 'ati 'icën. Usaquin sinanxunbi ca amiribishi 'aisa tanquin sinantécentí 'icën; uni rairinén ubiocēma ca 'ití 'icën. En rabicē diosan iscēx ca bētsi bētsi ñu 'ati 'aisama 'icē quixun sinancē uni ca bētsi unin a ain cuēēncēsabi oquin 'anun ēñti 'icën. Usa ain ca ain diosmi catamēisa tania bētsi unin a 'axunma 'anun catima 'icën. An rabicē dios ca anbi rabití 'icën. 'Aisa tani ca uni rairibē timēquin abētan rabití 'icën. Rabiquin ca 'aisa tanquin rairi uniribi ain dios ñuiquin 'unanmití 'icën.

19.

Camabi unin ca ain cuēēncēsa oquin sinanti 'icën. Ca ubiócēma 'iti icën. Ca bētsi unin cacē bana 'aisa tanquin sinanti 'icën. Bētsi nētēnu 'icē unibēribi ca 'unanmiananti 'icën. Usai 'i ca ubiócēma iti 'icën. Usaribi oi ca ain sinancē ñu ñui banatisa tani banati 'icën; ca ubiócēma 'iti 'icën.

20.

Uni rairibē timētisa tani ca uni upí oquiinschi sinanx timetí 'icën.

Uinu 'icē uninbi ca bētsi unin abētan ñu 'aisama tania ubioxun ñu 'amitima 'icën.

21.

Camabi unin ca libreta electoralñu 'ixun ain cuēēncēsa oquin 'apu caisquin votación 'atí 'icën.

Gobiernonēn ain nētēnu 'icē unicama 'aquinun mēniocē ñucama ca camabi uninan 'icën. Ca esa 'icën: Bai cha anun ca carrocama 'imainun unicama cuainsa tani cuanti 'icën. Anun quirica buanmiti correo anun ca unin 'aisa tanquin ain quirica buanmiti 'icën. Usai ca 'iti 'icën.

Uisa gobierno cara a nētēnu 'icē unicama cuēēñia, usa ca ain gobierno 'iti 'icën. Uisa gobierno cara a unicama cuēēñia 'unánun ca libreta electoralñu 'icē unicaman quiricanu cuēñeoquin uicama cara ain 'apu 'iti cuēēñia quixun 'unánun 'ati 'icën. Camabi uni ain sinancēsabi oquin ca uix 'apu 'iti cara cuēēñia, ain anē quiricanu cueneotí icën. Cuēñeocē ca uni itsin 'unantima 'icën, anbi cuēñeocē ca ití 'icën. Camabi uni ca bētsibē sēñen 'icën. Usa 'aish ca camabi uni gobierno quicēsabi ol libreta electoralñu 'iti 'icën.

22.

An ñu 'atima 'acēma 'aish ca uinu 'icē unixbi rabinima bētsi uni 'icēsai ñu meetinu ianan uni rairibē nuianancē 'ianan ain rairinēn ñu 'acē 'icēsaribi oi 'isa tani iti 'icën. Uní usai 'icēma 'aish tēmērala ca uni itsin 'aquinti 'icën, ain 'apunribi mēniocēsabi oi ca 'aquince ití icën. Uní ain nētēnuax cara uisa ñu cara 'icēbē tēmēria ca bētsi nētēnu 'icē gobiernonēnribi 'aquinsa tanquin 'aquinti 'icën.

23.

Camabi unin ñu mēētisa tanquin ca ñu meetí 'icën. Añu ñu mēēti cara 'aisa tania a ñu mēēti mēraquin ca 'ati 'icën. An ñu mēēmicē unin ca ain uni 'atimotima 'icën. Ñu mēēti 'alma 'ain ca 'apun ñu mēēti mēranun 'aquintí 'icën.

Ui uni cara, uisa cara ain bana 'icē, camabi uni ca sēnen 'icën. Usa 'ixun ca upí oquin ñu meece 'ixun bētsi unin 'acēsaribi oquin ain cupí biti 'icën.

Ui unin bētsi uni ñu mēēxuncē 'ixun ca ain cupí biti 'icën, a 'imainun ain xanu 'imainun ain bēcicēcama upiti bucunun. Ain cupí 'itsamashi bicē 'aish 'aquinsa 'icē ca apun anun a 'aquinti mēñiotí 'icën.

An ñu mēēcē uni raíri unibē timēquin bētsibē bētsibē aquiananisa tanquin, ulsoquin cara ain ñu mēēti 'ati 'icē quixun sinánan uisa cara ain ñu meetí icē quixun acama sinánux timētia ca uni itsin usaquin anun enti icën.

24.

Camaxbi ñu mēētancēx tantiti ca asábi 'icën. 'Uráinra tantiquinma ñu mēētancēx ca tantití 'icën. Anun tantiti nētē gobiernonēn mēñlocēsabi oquin ca unin ñu mēēquinmabi ain cupí biti 'icën.

25.

Camabi uni 'imainun ain xanu 'imainun ain bēchicēcama ësai 'iti ca asábi 'icën: 'insincēma chuámarua, pitiñu, chupañu, anu itinu, insincē 'aish roñu 'iti. Uní ain ñu meetí 'alma, uní insince, uní bētsicē, xanu casunamēcē, uní xēñi acama anun upiti 'iti 'alma 'ain, ain aintsin 'aquiniama ca a 'aquinti 'apun mēñiotí 'icën.

Tuáñu xanucama 'imainun tuácamaribí upití inun ca 'aquinccē ití icën. Bētsi tuácama 'icēsaribitia 'inun ca unin xanumi sēcē' ocē tuácama bēruance ití icën.

26.

Camabi tuá ca escuelanu atsintisa tani atsinti 'icën. Cuploquinma ca primaria 'ati pain atsinti 'icën. Camabi tuáratsu ca escuelanu cuanti

'icën. Ui unicama cara escuela tècnica anu atsintisa tania ca anu cuanti 'icën, apun mëníosabi oi. Secundaria cëñutancëxun bëtsi ñuribi unantisa tani ca bëtsi escuelanuribi atsinti 'icën, ain nota asábi ain.

Escuelanuxun ca quiricanu cuënëocë ñuishi 'unanmicëma 'iti 'icën. Anuxun ca alumnocama bëtsi ñu 'atiribi 'unanmicë ití 'icën, 'imainun ca upí oquian alumnonën sinanti aribi 'unanmicë 'iti 'icën. Bëtsi menu 'icë unicama 'imainun bëtsi banan banacë unicama 'imainun Nucën Papa Diosmi sinancë unicama 'imainun ami sinancëma unicama, camabi nusaribi uni 'aish unibë nuibananti ca 'unanmicë 'iti 'icën. Usaquin sinanmicëx ca gobiernocaman xucë unicama timëxun cuëñcësabi oi unicama bëtsibë nishanani 'acananti 'aima ití icën.

Bëtsi unin cacësamaira oquin ca ain titabëtan ain papan cati 'icën, uisa escuelanuxuinra cara ain bëchicënën ñu 'unanti ice quixun.

27.

A ëmanu 'icë unicaman 'acësa oquin ca anu 'icë uni rairinën 'aisa tanquin usaribi oquin 'ati 'icën. A ëmanu 'icë unicaman sinancësa oquin ca anu 'icë uni rairinën 'aisa tanquin usaribi oquin sinanti 'icën, camaxunbi ñu 'ati upí oquin 'unánan upiti bucunun.

An ñu 'acë uní 'imainun an ñu cuënëocë uni anpan 'acë 'ain ca bëtsi unix, en 'acë ca quiax quitima 'icën. Usai bëtsi unix quiti rabanan ca an ñu 'acë unin 'aisa tanquin an 'acë ñu a 'apu 'unanmiti 'icën.

28.

Enë quiricacama quicësabi oi camabi uni uni itsin ublocëma upiti bucuti 'inun ca camabi nëtënu icë unin ain aintsi 'aquinti 'icën.

29.

Camabi únin ca ain ëmanu 'icë unicama 'imainun a 'urama 'icë ain caibucama 'aquianan atubëtan ain ëma 'imainun mecama upí imití icën. Usaquin 'ai cuni ca unix masá sinancëma 'aish upiti 'ití 'icën.

Unix ublocë 'aish upiti bucucëma 'imainun unin ñu 'atima 'aquin uni itsiribi ñu 'atima 'amiti 'imainun bëtsi bëtsi ñu sinanquin uni raíri tsuáquirumiti usai 'iti rabanan ca gobiernonën ain unicaman cuati bana mëníoia. Usa oquin mënlocë banacama ca ain unicaman cuati 'icën.

Gobiernocaman xucëx timícë unicaman upí oquin sinanquin ca ënë banacama cuënëoxa. Usaribi oquin ca camabi unin ënë bana isquin, usaquin sinanquin 'acë ca enex ice quixun upí oquin sinanti 'icën. An 'acë unicaman sinancë bana ca bëtsiotima 'icën.

30.

Enë banacama bëtsioquin ca uinu 'icë uninbi uni raíricama upiti bucunun quixun sinanquinma, 'ëx cuëñcësa oquin 'anun ca a bana quia quixun sinantima 'icën. Uni raíri bëtsi unibë timëcëcama 'imainun gobiernonu ice apucamanribi ca usa oquin sinantima icën.